

No. 2213/24

淨土文類聚鈔

愚禿釋親鸞集記

夫無尋難思光耀滅苦證樂萬行圓備嘉号

消鄣除疑末代教行專應修此濁世日足必

爾者受行最勝弘誓而捨穢忻淨奉

教勅而報恩謝德爰片州愚禿歸印

度西番論說仰攀漢日域師釋敬信真宗教

行證特知佛恩叵窮盡明用淨土文類聚

然言教者則大無量壽經也斯經大意者彌

陀超發於誓廣開法藏致哀凡小選施功德
之寶釋迦出興於世光闡道教欲拯群萌惠
以真實之利誠是如來興世之真說奇特最
勝之妙典一乘究竟之極說十方稱讚之正
教也說如來本願為經宗致即以佛名號為
經體也言行者則利他圓滿大行也即是出
於諸佛咨嗟之願復名諸佛稱名之願亦可
名往相正業之願然本願力迴向有二種相

一者往相二者還相一言往相迴向者就往
相有大行亦有淨信大行者則稱無身光如
來名斯行徧攝一切行極速圓滿故名大行
是故稱名能破衆生一切無明能滿衆生一
切志願稱名即憶念憶念即念佛念佛則是
南無阿彌陀佛願成就文經言十方恒沙諸
佛如來皆共讚嘆無量壽佛威神功德不可
思議諸有衆生聞其名號信心歡喜乃至一

念至心迴向願生彼國即得往生往不退轉
又言佛語彌勒其有得聞彼佛名號歡喜踊
躍乃至一念當知此人爲得大利則是具足
無上功德上已龍樹菩薩十住毘婆沙論云若
人欲疾得不退轉地者應以恭敬心執持稱
名号若人種善根疑則華不開信心清淨者
華開即見佛天親菩薩淨土論云世尊我一
心歸命盡十方無尋光如來願生安樂國我

依修多羅真實功德相說願偈捨持與佛教
相應觀佛本願力遇無空過者能令速滿足
功德大寶海上已聖言論說特用知非凡夫迴
向行是大悲迴向行故名不迴向誠是選擇
攝取之本願無上超世之弘誓一乘真妙之
正法萬善圓修之勝行也經言乃至者兼上
下略中之言言一念者即是專念專念即是
一聲一聲即是稱名稱名即是憶念憶念即

是正念正念卽是正業也復乃至一念者是
夏非言觀想功德徧數等之一念就獲得往
生心行時節延促言乃至一念也應知言淨
信者則利他深廣信心也卽是出於念佛往
生之願亦名至心信樂之願復可名往相信
心之願然薄地凡夫底下群生淨信叵獲極
果叵證也何以故不由往相廻向故由所纏
縛疑網故乃由如來加威力故博因大悲廣

サウカウラクワンチキシシラチカスニアラス

ミクチカラクワル

慧力故獲清淨真實信心是心不顛倒是心
不虛僞信知無上妙果不難成真實淨信實
難得獲真實淨信得大慶喜心得大慶喜心
經言其有至心願生安樂國者可得智惠明
達功德殊勝取要又經言是人卽是大威德者
亦說廣大勝解者上已誠是除疑獲德之神方
極速圓融之真詮長生不死之妙術威德廣
大之淨信也爾者若行若信無有一事非阿

彌陀如來清淨願心之所迴向成就非無因
 他因有也應知言證者則利他圓滿妙果也
 卽是出於必至滅度之願亦名證大涅槃之
 願亦可名往相證果之願卽是清淨真實至
 極畢竟無生無上涅槃願成就文經言其有
 衆生生彼國者皆悉住於正定之聚所以者
 何彼佛國中無諸邪聚及不定聚又言但因
 順餘方故有天人之名顏貌端正超世希有
自方有情諸善人 樂有信念佛行者也

容色微妙非天非人皆受自然虛無之身無
 極之體又言必得超絕去往生安養國橫截
 五惡趣惡趣自然閉昇道無窮極易往而無
 人其國不逆違自然之所牽上巳聖言明知煩
 惱成就凡夫生死罪濁群萌獲往相心行卽
 住大乘正定之聚住正定聚必至滅度必至
 滅度卽是常樂常樂卽是大涅槃大涅槃卽
 是利他教化地果是身卽是無爲法身無爲

法身卽是畢竟平等身畢竟平等身卽是寂滅寂滅卽是實相實相卽是法性法性卽是真如真如卽是一如也爾者若因若果無有一事非阿彌陀如來清淨願心之所迴向成就因淨故果亦淨也應知一三還相迴向者則利他教化地益也卽是出於必至補處之願亦名一生補處之願亦可名還相迴向之願願成就文經言彼國菩薩皆當究竟一生

補處除其本願爲衆生故以弘誓功德而自莊嚴普欲度脫一切衆生上聖言明知大慈大悲弘誓廣大難思利益乃入煩惱稠林開導諸有則遵普賢之德悲引群生爾者若往若還無有一事非如來清淨願心之所迴向成就也應知是以淨土緣熟調達闍王興逆害濁世機憫釋迦韋提選安養倩思彼靜念此達多闍世博施仁慈彌陀釋迦淡顯素懷

依之論主宣布廣大無身淨信普徧開化雜
染堪忍群生宗師顯示往還大悲廻向慇懃
弘宣他利利他深義聖權化益徧爲利一切
凡愚廣大心行唯欲引逆惡闡提今庶道俗
等大悲願船清淨信心而爲順風無明闇夜
功德寶珠而爲大炬心昏識寡敬勉斯道惡
重鄣多淡崇斯信噫弘誓強緣多生難值眞
實淨信億劫叵獲遇獲信心遠慶病緣若也

此廻覆蔽疑網要必逢歷曠劫多生攝取不
捨之眞理超捷易往之教勅聞思莫避慮慶
哉愚禿仰惟樹心弘誓佛地流情難思法海
嘆所聞慶所獲採集眞言鈔出師釋專念無
上尊特報廣大恩因茲披閱曇鸞菩薩註論
言夫菩薩歸佛如孝子之歸父母忠臣之歸
君后動靜非已出沒必由知恩報德理宜先
啓取要信知佛恩深重作念佛正信偈曰

西方不可思議尊
超發殊勝本弘誓
思惟攝取經五劫
滿足本誓歷十劫
慈悲深遠如虛空
清淨微妙無邊刹
種種功德悉成滿
普放難思無量光

法藏菩薩因位中
建立無上大悲願
菩提妙果酬上願
壽命延長莫能量
智惠圓滿如巨海
廣大莊嚴等具足
超逾十方諸佛國
能破無明大夜闇

智光明朗開慧眼
如來功德唯佛知
彌陀佛日普照耀
貪愛瞋嫌之雲霧
譬猶如日月星宿
其雲霧下明無闇
必至無上淨信曉
清淨無量光耀朗

名聲靡不聞十方
集佛法藏施凡愚
已能雖破无明闇
常覆清淨信心天
雖覆煙霞雲霧等
信知超日月光益
三有生死之雲晴
一如法界真身顯

發信稱名光攝護
無邊難思光不斷
諸佛護念真莫疑
惑深逆惡齊皆生
當來之世經道滅
如何疑惑斯大願
印度西天之論家
開大聖世雄正意

示獲現生無量德
更無隔時處諸緣
十方同稱讚悅可
誦法闡提迴皆往
特留此經住百歲
唯信釋迦如實言
中夏日域之高僧
如來本誓明應機

釋迦如來楞伽山
龍樹菩薩興出世
宣說大乘無上法
造十住毘婆沙論
易往大道廣開示
稱名號疾得不退
天親菩薩作論說
光闡橫超本弘誓

為衆告命南天竺
悉能摧破有無見
證歡喜地生安樂
難行險路特悲憐
應以恭敬心執持
信心清淨即見佛
依修多羅顯真實
演暢不可思議願

由本願力廻向故
歸入功德大寶海
得至蓮華藏世界
遊煩惱林現神通
曇鸞大師梁蕭王
三藏流支授淨教
天親菩薩論註解
往還廻向由本誓

為度具縛彰一心
必獲入大會眾數
即證寂滅平等身
入生死園示應化
常向巒方菩薩禮
焚燒仙經歸樂邦
如來本願顯稱名
煩惱成就凡夫人

信心開發即獲忍
必到無量光明土
道綽決聖道難證
萬善自力貶勤修
三不三信誨慇懃
一生造惡遇弘誓
善導獨明佛正意
矜哀定散與逆惡

證知生死即涅槃
諸有眾生皆普化
唯明淨土可通入
圓滿德號勸專稱
像末法滅同悲引
至安養界證妙果
淺籍本願興真宗
光明名號示因緣

入涅槃門值真心
得難思議往生人
源信廣開一代教
依諸經論撰教行
決判得失於專雜
唯定淺深於執心
源空曉了諸聖典
真宗教證興片州

必獲於信喜悟忍
即證法性之常樂
偏歸安養勸一切
誠是為濁世目足
廻入念佛真實門
報化二土正辨立
憐愍善惡凡夫人
選擇本願施濁世

還來生死流轉家
速入身靜無為樂
論說師釋共同心
道俗時衆皆悉共
六十行一百二十句偈頌已畢
問念佛往生願已發三心論主何以故言一
心答愚鈍衆生覺知為令易故論主合二為
一歟言三心者一者至心二者信樂三者欲

決以疑情為所止
必以信心為能入
拯濟無邊極濁惡
唯可信斯高僧說

淨土法苑珠林卷之六
生私以字訓闕論意合三應一其意何者一
者至心至者真誠心者種實一者信樂信者
真實誠滿極成用重審驗樂者欲願慶喜樂
三者欲生欲者願樂覺知生者成興也爾者
至心卽是誠種真實之心故無有疑心信樂
卽是真實誠滿之心極成用重之心欲願審
驗之心慶喜樂之心故無有疑心欲生卽是
願樂之心覺知成興之心故三心皆共真實

而無疑心無疑心故三心卽一心字訓如斯
可思擇之復言三心者一者至心斯心卽是
如來至德圓修滿足真實之心阿彌陀如來
以真實功德廻施一切卽以名号爲至心體
然十方衆生穢惡汚染無清淨心虛假雜毒
無真實心是以如來因中行菩薩行時三業
所修乃至一念一刹那無有非清淨真實心
如來以清淨真心廻向諸有衆生經言不生

欲覺瞋覺害覺不起欲想瞋想害想不著色
 聲香味觸法忍力成就不計眾苦少欲知足
 無恚恚癡三昧常寂智惠無尋無有虛偽諂
 曲之心和顏愛語先意承問勇猛精進志願
 無倦專求清白之法以惠利群生恭敬三寶
 奉事師長以大莊嚴具足眾行令諸眾生功
 德成就抄聖言明知今斯心是如來清淨廣
 大至心是名真實心至心即是大悲心故無

有疑心二者信樂即是以真實心為信樂體
 然具縛群萌穢濁凡愚無清淨信心無真實
 信心是故真實功德難值清淨信樂難叵獲
 得依之闡釋意愛心常起能污善心瞋嫌之
 心能燒法財苦勵身心日夜十二時急走急
 作如灸頭燃眾名雜毒之善亦名虛假之行
 不名真實業也以此雜毒之善迴向彼淨土
 此必不可也何以故正由彼如來行菩薩行

時乃至一念一剎那三業所修皆是真實心
 中中作中故疑蓋無雜如來以清淨真實信樂廻
 向諸有衆生本願成就文經言諸有衆生聞
 其名号信心歡喜抄聖言明知今斯心即是
 本願圓滿清淨真實信樂是名信心信心即
 是大悲心故無有疑蓋二者欲生即以清淨
 真實信心為欲生體然流轉輪廻凡夫曠劫
 多生群生無清淨廻向心亦無真實廻向心

是以如來因中行菩薩行時三業所修乃至
 一念一剎那無有非廻向為首得成就大悲
 心故如來以清淨真實欲生心廻向諸有衆
 生本願成就文經言至心廻向願生彼國即
 得往生住不退轉取聖言明知今斯心是如
 來大悲招喚諸有衆生之教勅即以大悲之
 欲生心是名廻向三心皆是大悲廻向心故
 清淨真實疑蓋無雜故一心也依之披師釋

云西岸上有人喚言汝一心正念直來我能
 護汝眾不畏并隨於水火之難又言中間白道
 者即喻貪瞋煩惱中能生清淨願往生心也
 仰蒙釋迦發遣又籍彌陀招喚不顧水火二
 河乘彼願力之道出略是知能生清淨願心是
 非凡夫自力心大悲迴向心故言清淨願心
 爾者一心正念者正念即是稱名稱名即是
 念佛一心即是淡心淡心即是堅固淡信堅

固淡信即是真心真心即是金剛心金剛心
 即是無上心無上心即是淳一相續心淳一
 相續心即是大慶喜心獲大慶喜心是心違
 三不是心順三信是心即是大菩提心大菩
 提心即是真實信心真實信心即是願作佛
 心願作佛心即是度眾生心度眾生心即是
 攝取眾生生安樂淨土心是心即是畢竟平
 等心是心即是大悲心是心作佛是心是佛

是名如實修行相應也應知三心卽一心之
義答竟

又問大經三心與觀經三心一異云何答兩
經三心卽是一也何以得知宗師釋云至誠
心中云至者真誠者實就人就行立信中云
一心專念彌陀名号是名正定之業又云淡
心卽是真實信心迴向發願心中云此心淡
信由若金剛明知一心是信心專念卽正業

一心之中攝在至誠迴向之二心向問中答
竟

又問已前二經三心與小經執持一異云何
答經言執持名号執者心堅牢而不移持者
名不散不失故曰不亂執持卽一心一心卽
信心然則執持名号之真說一心不亂之誠
言必可歸之特可仰之論家宗師開淨土真
宗導濁世邪偽二經大綱雖有隱顯一心爲

能入故經始稱如是論主建言一心卽是彰
如是之義今披宗師解云言如意者有二種
一者如衆生意隨彼心念皆應度之一者如
彌陀之意五眼圓照六通自在觀機可度者
一念之中無前無後身心等趣三輪開悟各
益不同也又言敬白一切往生知識等大須
慚愧釋迦如來實是慈悲父母種種方便發
起我等無上信心上明知緣一尊大悲獲一

心佛因當知斯人希有人最勝人也然流轉
愚夫輪迴群生信心無起真心無起是以經
言若聞斯經信樂受持難中之難無過此難
亦說一切世間極難信法誠知大聖世尊出
興於世大事因緣顯悲願真利爲如來直說
示凡夫卽生爲大悲宗致因茲闕諸佛教意
三世諸如來出世正本意唯說阿彌陀不可
思議願常沒凡夫人緣願力迴向聞真實功

德獲無上信心則得大慶喜獲不退轉地不
令斷煩惱速證大涅槃矣

淨土文類聚鈔

寬永丙子仲冬新刊

明治廿四年十月十日 印刷

同年十一月十日翻刻出版

京都市下京區花屋町西洞醫合川町番

發行兼
印刷者

永田長左衛門

愚禿鈔上

聞賢者信顯愚禿心

賢者信內賢外愚也

愚禿心內愚外賢也

就聖道淨土教有二教

一 大乘教

二 小乘教

就大乘教有二教

一 頓教

二 漸教

就頓教復有二教二超

二教者

一難行聖道之實教所謂佛心真言法
華華嚴等之教也

二易行淨土本願真實之教大无量壽
經等也

二超者

一豎超 即身是佛即身成佛
等之證果也

二橫超

選擇本願真實報土
即得往生也

就漸教復有二教二出

二教者

一難行聖道之權教法相等歷劫修行
之教也

二易行淨土要門无量壽佛觀經之意
定散三福九品之教也

二出者

一六 豎出

聖道歷劫修行之證也

二六 橫出

淨土胎宮邊地 懈慢之往生也

就小乘教有二教

一六 緣覺教

一麟喻獨覺 二部行獨覺

二六 聲聞教

初果預流向第二果一來向 第三果不還向第四果阿羅漢向八輩也

唯除阿彌陀如來選擇本願已外大小權實顯密諸教皆是難行道聖道門又易行道淨

土門之教是曰淨土迴向發願自力方便假門也應知

大經 選擇三種

一 法藏菩薩

選擇本願

選擇淨土

選擇攝生

選擇證果

二 世饒王佛

選擇本願

選擇淨土

選擇讚嘆
選擇證誠

釋迦如來

選擇彌勒付屬

觀經 選擇二種

釋迦如來

選擇功德
選擇攝取

選擇讚嘆
選擇護念

選擇阿難付屬

韋提夫人

選擇淨土
選擇淨土機

小經 勸信二證誠二護念二讚嘆二難易

二

勸信二者

一釋迦勸信
釋迦

二諸佛勸信
諸佛

證誠二者

一_ニ功德證誠
二_ニ往生證誠
護念_ニ二者

一_ニ執持護念
釋迦護念_{ナリ}

二_ニ發願護念
諸佛護念_{ナリ}

執持_ニ三_{アリ}已今當
發願_ニ三_{アリ}已今當

讚嘆_ニ二者

一_ニ釋迦讚嘆_ニ二_{アリ}
二_ニ諸佛讚嘆_ニ二_{アリ}

難易_ニ二者

一_ニ難疑情_{ナリ}
二_ニ易信心_{ナリ}

法事讚有三往生

一難思議往生_{ハ大經ノ宗ナリ}

二雙樹林下往生_{ハ觀經ノ宗ナリ}

三難思往生_{ハ彌陀經ノ宗ナリ}

大經言_ニ證誠本願三身

法身證誠
經言_ニ空中讚言_ニ決定_{ナリ}
必成_ニ无上正覺_{ナリ}
十方如來_{ナリ}

報身證誠

化身證誠

世饒王佛

就佛土有二種

- 一者佛
- 二者土

就佛有四種

- 一法身
- 二報身
- 三應身
- 四化身

就法身有二種

- 一法性法身
- 二方便法身

就報身有三種

- 一彌陀
- 二釋迦
- 三十方

就應化有三種

- 一彌陀
- 二釋迦
- 三十方

就土有四種

- 一法身土
- 二報身土
- 三應身土
- 四化身土

就報土有三種

一_六彌陀 二_六釋迦 三_六十方
就彌陀化土有二種

一_六疑城胎宮 二_六懈慢邊地

本願一乘頓極頓速圓融圓滿之教者絕對
不二之教一實真如之道也應知專中之專
頓中之頓真中之真圓中之圓一乘一實大
誓願海也第一希有之行也
金剛真心无尋信海應知

疏云我依菩薩藏頓教一乘海

讚云瓔珞經中說漸教萬劫修功證不退觀

經彌陀經等說即是頓教菩提藏_文

圓頓者 圓名圓融圓滿
頓名頓極頓速

二教對

本願一乘海頓極頓速圓融圓滿之教
也應知

淨土要門定散二善方便假門三福九

品之教也應知

難易對

橫豎對

頓漸對

超涉對

真假對

順逆對

純雜對

邪正對

勝劣對

親疎對

大小對

多少對

重輕對

通別對

徑透對

捷遲對

廣狹對

近遠對

了不了教對

大利小利對

無上有上對

不迴迴向對

自說不說對

有願無願對

有誓無誓對

選不選對

讚不讚對

證不證對

護不護對

因明直辨對

理盡非理盡對

無間有間對

相續不相續對

退不退對

斷不斷對

因行果德對

法滅不滅對

自力他力對

攝取不攝對

入定聚不入對

思不思議對

報化二土對

己上四十二對

就教法應知

真實淨信心

內因

攝取不捨外緣

信受本願前念命終

即入正定聚之數

即得往生後念即生

即取入必定菩薩也

他力金剛心也應知

便同彌勒菩薩

自力金剛心也應知
大經言次如彌勒

二機對

一乘圓滿機他力

漸教迴心機自力

信疑對

賢愚對

善惡對

正邪對

是非對

實虛對

真偽對

淨穢對

好醜對

妙麤對

利鈍對

奢促對

希常對

強弱對

上々下々對

勝劣對

直入迴心對

明闇對

已上十八對

就二機應知

又就二種機復有二種性

二機者

一善機

二惡機

二性者

一善性

二惡性

又就善機有二種

又有傍正

一定機

二散機

疏云一切衆生機有二種一者定二者散

又有傍正者

一六菩薩大

二六緣覺

三六聲聞辟支等

淨土之傍機也

四六天

五六人等

淨土之正機也

又復就善性有五種

一六善性

二六正性

三六實性

四六是性

五六真性

又復就惡機有七種

一六十惡

二六四重

三六破見

四六破戒

五六五逆

六六謗法

七六闡提

又復就惡性有五種

一六惡性

二六邪性

三六虛性

四六非性

五偽性ウゴウセイ

光明寺和尚曰クワウミョウジヤウシヤウ

道俗時眾等

各發無上心カクハツムジョウシン

生死甚難厭シヤウジヤウシヤンナンアヘン

佛法復難忻フツポフハクナンシン

共發金剛志キョウハツキョウコウシ

橫超斷四流コウシュツタンシリウ

觀入彌陀界クワンニツミダカヤク

歸依合掌禮キイニケウサウレイ

正受金剛心テイジュキョウコウシン

相應一念後コウオウニツペンノチ

果得涅槃者ケダケニバツヤクヤク

淨土論曰ジユツドニ

世尊我一心セソウニツイツシン

歸命盡十方キイメイジンシヤウハフ

无礙光如來ムガイコウニツラ

願生安樂國カネニツヤシクニツク

我依修多羅ガクニツヨシダラ

真實功德相マコトクニツコトクノサマ

說願偈捻持セツカネニツカネニツサツ

與佛教相應ヨリブツポフコウオウ

佛說无量壽經言ブツセツムリヤウジユウキヤウ

康僧鎧三藏譯コウソウガイサンサウヤク

無得以我滅度之後復生疑惑當來之世經ムコトクニツガクニツメツトクノチノチニツサツシヤクニツカクニツカクニツサツ

道滅盡我以慈悲哀愍特留此經止住百歲ミチノチノチニツメツトクニツガクニツカクニツサツ

其有眾生值斯經者隨意所願皆可度佛コノチノチニツサツシヤクニツカクニツサツ

語彌勒如來與世難值難見諸佛經道難得コノチノチニツサツシヤクニツカクニツサツ

難聞菩薩勝法諸波羅密得聞亦難遇善知ニツカクニツサツシヤクニツカクニツサツ

識聞法能行此亦為難若聞斯經信樂受持
難中之難無過此難是故我法如是作如是
說如是教應當信順如法修行上文
無量壽如來會言菩提流支三藏譯

如來勝智徧虛空 所說義言唯佛悟

是故博聞諸智士 應信我教如實言上文

無量清淨平等覺經言 帛延三藏譯

速疾超便可到 安樂國之世界

至無量光明土 供養於無數佛文

諸佛阿彌陀三那三佛薩樓佛檀過度人道

經言支謙三藏譯

我般泥洹去後經道留止千歲千歲後經道

斷絕我皆慈哀特留是經法止住百歲百歲

中竟乃休止斷絕在心所願皆可得度出畧

元照律師阿彌陀經義疏云 大智律師也

勢至章云十方如來憐念衆生如母憶子大

論曰譬如魚母若不念子子即壞爛等阿耨
多羅此翻无上三藐云正等三菩提云正覺
即佛果號薄地凡夫業惑纏縛流轉五道百
千万劫忽聞淨土志願求生一日稱名即起
彼國諸佛護念直趣菩提可謂萬劫難逢千
生一遇誓從今日終盡未來在處讚揚多方
勸誘所感身土所化機緣與阿彌陀等無有
異此心罔極唯佛證知是故下三勸信信我

語者謂信教也如不信我十方諸佛豈虛妄
乎 畧 出

建長七年乙卯八月廿七日書之

愚禿親鸞 八十 三歲

愚禿鈔下

聞賢者信顯愚禿心
賢者信內賢外愚也

愚禿心內愚外賢也

唐朝光明寺和尚觀經義云

先就上品上生位中至乃一六從佛告阿難已下

即雙標二意一六明告命二六明辨定其位此即

修學大乘上善凡夫人也三六從若有衆生下

至即便往生已來正明揔舉有生之類即有其四一明能信之人二明求願往生三明發心多少四明得生之益四從何等為三下至必生彼國已來正明辨定三心以為正因即有二一明世尊隨機顯益意密難知非佛自問自徵無由得解二明如來還自答前三心之數經云一者至誠心至者真誠者實欲明一切衆生身口意業所修解行必須真實心

中作不得外現賢善精進之相內懷虛假貪瞋邪偽奸詐百端惡性難侵事同蛇蝎雖起三業名為雜毒之善亦名虛假之行不名真實業也若作如此安心起行者縱令苦勵身心日夜十二時急走急作如灸頭然者衆名雜毒之善欲迴此雜毒之行求生彼佛淨土者此必不可也何以故正由彼阿彌陀佛因中行菩薩行時乃至一念一刹那三業所修

皆是真實心中作凡所施為趣求亦皆真實
又真實有二種一者自利真實二者利他真
實文

就利他真實亦有二種

一者凡所施為趣求亦皆真實

二者不善三業必須真實心中捨又若起
善三業者必須真實心中作不簡內外明
闇須真實故名至誠心文

言自利真實者復有二種一者真實心中制
捨自他諸惡及穢國等行住坐臥想同一切
菩薩制捨諸惡我亦如是也二者真實心中
勤修自他凡聖等善真實心中口業讚嘆彼
阿彌陀佛及依正二報又真實心中口業毀
厭三界六道等自他依正二報苦惡之事亦
讚嘆一切衆生三業所為善若非善業者敬
而遠之亦不隨喜也又真實心中身業合掌

禮敬四事等供養彼阿彌陀佛及依正二報
 又真實心中身業輕慢厭捨此生、死三界等
 自他依正二報又真實心中意業思想觀察
 憶念彼阿彌陀佛及依正二報如現目前又
 真實心中意業輕賤厭捨此生、死三界等自
 他依正二報文
 一者至誠心至者真誠者實即真實也
 真實有二種

一者自利真實 難行道聖道門

豎超 即身是佛 自力也

豎出 自力中之漸教 歷劫修行

二者利他真實 易行道淨土門

橫超 如來誓願 他力也

橫出 他力中之自力 定散諸行也

就自利真實復有二種

一者厭離真實 聖道門難行道

豎出 自力

豎出者難行道之教以厭離為本自力之心故也

二者忻求真實 淨土門易行道

橫出 他力

橫出者易行道之教以忻求為本何以故由願力令厭捨生死之故也

又就橫出真實復有三種

一者口業忻求真實 口業厭離真實

二者身業忻求真實 身業厭離真實

三者意業忻求真實 意業厭離真實

按宗師釋文從一切真實心中已下至自他凡聖等善者厭離為先忻求為後則是難行道自力豎出之義也從真實心中口業已下至自他依正二報者則是易行道他力橫出之義也

二者深心言深心者即是深信之心也亦有二種

一者決定深信自身現是罪惡生死凡夫曠劫已來常沒常流轉無有出離之緣

二者決定深信彼阿彌陀佛四十八願攝受衆生無疑慮乘彼願力定得往生文中

今斯深信者他力至極之金剛心一乘无上之真實信海也

按スルニ文意就深信有七深信有六決定

七深信者

第一深信決定深信自身ラ即是自利信心也

第二深信決定深信乘彼願力ラ即是利他信海也

第三決定深信觀經ヲ

第四決定深信彌陀經ヲ

第五唯信佛語決定依行

第六依此經深信

第七又深心深信者決定建立自心

六決定者已上如次應知

就第五唯信佛語有三遣三隨順三是名

三遣者

一佛遣捨者即捨

二佛遣行者即行

三佛遣去處即去

三隨順者

一是名隨順佛教

二隨順佛意

三是名隨順佛願

三是名者

一是名真佛弟子是名與此合三是

名也

就第六依此經深信有六即三印三無六正

二了

六即者

- 一若稱佛意即印可言如是如是
- 二若不可佛意者即言汝等所說是義不如是
- 三不印者即同無記無利無益之語
- 四佛印可者即隨順佛之正教
- 五若佛所有言說即是正教
- 六若佛所說即是了教

三印者

一即印可

二不印

三佛印可

三印者在，上六即文中

三無者

一無記

二無利

三無益

三無者在，上六即文中

六正者

一正教

二正義

三正行

四正解

五正業

六正智

二了者

一若佛所說即是了教

二菩薩等說盡名不了教也應知

就第七文深信者決定建立自心有二

別三異一問答

二別者

一別解 二別行

三異者

一異學 二異見 三異執

一問答中有四別四信

四別者

一處別 二時別

三對機別 四利益別

四信者

一往生信心 凡夫疑難也

二清淨信心 地前菩薩羅漢
辟支佛等疑難也

三上々信心

初地已上十地已來疑難也

四畢竟不起一念疑退之心也

報佛化佛疑難也

就上々信心有五實二異

五實者

一真實決了義

二實知

三實解

四實見

五實證

二異者

一異見

二異解

就報化二佛疑難引彌陀經勸信有二專四

同二所化六惡二同三所

二專者

一專念

二專修

五種也

四同者

一同讚

二同勸

三同證

四同躰

二所化者

一一佛所化即是一切佛化

二一切佛所化即是一佛化

六惡者

一惡時

二惡世界

三惡衆生

四惡見

五惡煩惱

六惡邪無信盛時也

二同者

一十方佛等同心

二同時各出舌相

三所者

一所說

二所讚

三所證

一佛所說即一切佛同證誠其事也此名就人立信也應知

次就行立信者然行有二種

一者正行

二者雜行

就正行有五正行六一心六專修

五正行者

一一心專讀誦 二一心專觀察

三_六一心專禮佛 四_六一心專稱佛名_ラ

五_六一心專讚嘆供養_リ

又就_テ此正中復有_二種_一

一_六者一心專念彌陀名號是名_{ラケ}正定之業_ト

二_六者若依禮誦等即名為助業_ト

六一心者如次一心也

六專修者如次專修也

又復就_テ正雜二行復有_二行_一

一_六定行 二_六散行_カ

又復就_テ正雜復有_二種_一

一_六念佛 二_六觀佛

又就_テ念佛復有_二種_一

一_六彌陀念佛 二_六諸佛念佛

法身報身應身化身

又復就彌陀念佛

一_六正行定心念佛 二_六正行散心念佛_リ

彌陀定散念佛是曰淨土真門亦名一向專修也應知

又復就諸佛念佛有二種

一雜行定心念佛 二雜行散心念佛

諸佛定散念佛是雜中之專行也應知

又復就觀佛復有二種

一正之觀佛 二雜之觀佛

又復就正觀佛復有二種

一真觀

二假觀

又復就真假有十三觀想

日想 水想 地想 寶樹 寶池

寶樓 華座 像想 真觀 觀音

勢至 普觀 雜觀

又復就正散行有四種

讀誦 禮拜 讚嘆 供養

上來定散六種兼行故曰雜修是為助業名

為方便假門亦名淨土要門也應知

又復就雜觀佛有二種 又有多真假

- 一 無相離念
- 二 立相住心

又復就雜散行有三福

- 一 孝養父母奉事師長慈心不殺修十善業
 - 二 受持三歸具足眾戒不犯威儀
 - 三 發菩提心深信因果讀誦大乘勸進行者
- 上來一切定散諸善悉名雜行對六種正應

有六種雜雜行之言人天菩薩等解行雜故

曰雜也自元來非淨土業因是名發願行亦

名迴心行故名淨土雜行是名淨土方便假

門亦名淨土要門也凡聖道淨土正雜定散

皆是迴心之行也應知

三者迴向發願心言迴向發願心者有二種

- 一 過去今生自他所作善根皆真實深信
- 二 自利

心中迴向願生彼國

一^{利他}迴向發願生者必須決定真實心中迴

向願作得生想

就迴向發願生者有信心

信心者

作得生想此心深信由若金剛

就此深信有一譬喻二異二別一問答二迴向

一譬喻者

此心深信由若金剛

二異者

一異見

二異學

二別者

一別解

二別行

就一問答有七惡六譬二門四有緣二所求

二所愛二欲學二必

七惡者

一十惡

二五逆

三四重

四破戒

五破見

六謗法

七闡提

六譬者

一明能破闇

二空能含有

三地能載養

四水能生潤

五火能成壞

六二河
水河 火河

二門者

出愚癡門

一隨出一門即出一煩惱門也

入智慧門
二隨入一門即入一解脫智慧門也

四有緣者

一汝何以及將非有緣之要行障惑於

我

二然我所愛即是我有緣之行即非汝

所求

三汝之所愛即是汝有緣之行亦非我

所求是故各隨所行而修其行者必
疾得解脫也

四若欲學行者必藉有緣之法少用功
勞多得益文

二所求者如上文

二所愛者如上文

二欲學者

一行者當知若欲學解從凡至聖乃至

佛果一切無礙皆得學也

二若欲學行者必藉有緣之法乃至

二必者如上文

就此深信中二迴向者

一自利常作此想常作此解故名迴向發願心
二利他他力迴向又言迴向者生彼國已還起大悲迴入
生死教化衆生亦名迴向也

就二河中說一譬喻守護信心以防外邪異

見之難 此道從東岸至西岸亦長百步文

百步者譬人壽百歲也

群賊惡獸者

群賊者別解別行異見異執惡見邪心定散自力之心也

惡獸者六根六塵五陰四大也

常隨惡友者

惡友者對善友雜毒虛假之人也

言無人空迥澤者

惡友也不值真善知識也真言對假對偽

善知識者對惡知識也

善知識者

真善知識 正善知識 實善知識

是善知識 善善知識 善性人也

惡知識者

假善知識 偽善知識 邪善知識

虛善知識非善知識惡善知識惡性人也
言白道四五寸者

白道者白言對黑道言對路白者則是選擇攝取之白業往相迴向之淨業也道者則是本願一實直道大般涅槃无上之大道也路者則是六度萬行定散斯則自力小善路也黑者則是六趣四生二十五有十二類生黑惡道也

四五寸者四言譬四大毒蛇也五言喻五陰惡獸也

言能生清淨願往生心者

發起无上信心金剛真心也斯如來迴向之信樂也

言或行一分二分者

喻年歲時節也

言惡見人等者

愚齋錄
憍慢懈怠邪見疑心之人也

言又西岸上有人喚言一心正念直來我能
護者西岸上有人喚言者阿彌陀如來誓
願也汝言者行者也斯則名必定菩薩龍
樹大士十住毗婆沙論曰即時入必定曇
鸞菩薩論曰入正定聚之數善導和尚言
希有人也最勝人也妙好人也好人也上上人也真
佛弟子也一心言真實信心也正念言選

擇攝取本願也又第一希有行也金剛不
壞心也直言對迴對透也又直言捨方便
假門歸如來大願他力欲使顯諸佛出世
之直說也來言對去對往也又欲令還來
報土也我言盡十方无尋光如來也不可
思議光佛也能言對不堪也疑心之人也
護言顯阿彌陀佛果上之正意也亦形攝
取不捨之負也則是現生護念也念道言

念他力、白道也。慶樂者、慶言、印可之言也。獲得之言也。樂言、悅喜之言也。歡喜、踊躍也。

仰蒙釋迦發遣、指向西方者、順也。又籍彌陀、悲心招喚者、信也。今信順、二尊之意、不顧水火、二河、念念無遺、乘彼願力之道、就至誠心、難易對、彼此對、去來對。

毒藥對 內外對

難易對

難者、三業修善、不真實之心也。

易者、如來願力、迴向之心也。

彼此對

彼者、淨邦也。

此者、穢國也。

去來對

去者、釋迦佛也。

來者、彌陀佛也。

毒藥對

毒者善惡雜心也藥者純一專心也

內外對

內外道外佛教 內聖道外淨土

內疑情外信心 內惡性外善性

內邪外正 內虛外實

內非外是 內偽外真

內雜外專 內愚外賢

內假外真 內退外進

內疎外親 內遠外近

內迂外直 內違外隨

內逆外順 內輕外重

內淺外深 內苦外樂

內毒外藥 內怯弱外強剛

內懈怠外勇猛 內間斷外無間

內自力外他力

凡就心有二種三心

一者自利三心

二者利他三信

又有二種往生

一者即往生

二者便往生

竊按觀經三心往生者是則諸機自力各別
之三心也為歸大經三信也勸誘諸機欲使
通入三信也三信者斯則金剛真心不可思
議信心海也亦即往生者斯則難思議往生
真報土也便往生者即是諸機捨別業因果

成土胎宮邊地懈慢界雙樹林下往生亦難
思往生應知

建長七歲乙卯八月廿七日書之

愚禿親鸞

八十
三歲

寬永丙子仲冬新刊

明治廿四年十月十日 印刷

同 年十月十日翻刻出版

京都市下京區花屋町西洞院東山町四番

發行兼
印刷者

永田長左衛門

入出二門偈頌

愚禿親鸞作

世親菩薩依大乘

修多羅真實功德

一心歸命盡十方

不可思議光如來

無導光明大慈悲

斯光明即諸佛智

觀彼世界無邊際

究竟廣大如虛空

五者佛法不思議

此中佛土不思議

有二種不思議力

斯示安樂之至德

一者業力謂法藏

大願業力所成就

二者正覺阿彌陀
女人根缺二乘種
如來淨華諸聖衆
諸機本則三三品
同一念佛無別道
觀彼如來本願力
一心專念速滿足
菩薩入出五種門

法王善力所攝持
安樂淨刹永不生
法藏正覺華化生
今無一二之殊異
猶如淄澠一味也
凡愚遇無空過者
真實功德大寶海
自利利他行成就

不可思議兆載劫
何等名爲五念門
云何禮拜身業禮
善功方便諸羣生
即是名入第一門
云何讚歎口業讚
依如來光明智相
則斯无尋光如來

漸次成就五種門
禮讚作願觀察迴
阿彌陀佛正遍知
爲生安樂國意故
亦是名爲入近門
隨順名義稱佛名
欲如實修相應故
攝取選擇本願故

是名爲入第二門
云何作願心常願
得入蓮華藏世界
是名爲入第三門
云何觀察智慧觀
修行毗婆舍那故
種種无量法味樂
亦是名爲入屋門

即獲入大會衆數
一心專念願生彼
欲如實修奢摩他
亦是名爲入宅門
正念觀彼欲如實
得到彼所則受用
即是名入第四門
菩薩修行成就者

四種成就入功德
第五成就出功德
云何迴向心作願
迴向爲首得成就
生彼土已速疾得
巧方便力成就已
示應化身遊神通
即是名出第五門

自利行成就應知
菩薩出第五門者
不捨苦惱一切衆
大悲心故施功德
奢摩他毗婆舍那
入生死菌煩惱林
至教化地利羣生
入菌林遊戲地門

以本願力迴向故
無礙光佛因地時
菩薩已成智慧心
成就妙樂勝真心
成自利利他功德
婆藪槃頭菩薩論
願力成就名五念
衆生而言言他利

利他行成就應知
發斯弘誓建此願
成方便心无鄣心
速得成就無上道
則是名爲入出門
本師曇鸞和尚釋
佛而言宜言利他
常知今將談佛力

如實修行相應者
以斯信心名一心
不斷煩惱得涅槃
淤泥華者經說言
卑濕淤泥生蓮華
泥中生佛正覺華
不可思議力即是
道綽和尚解釋曰

隨順名義與光明
煩惱成就凡夫人
則斯安樂自然德
高原陸地不生蓮
此喻凡夫在煩惱
斯示如來本弘誓
入出二門名他力
月藏經言我末法

起行修道一切衆
在此起心立行者
當今末法是五濁
今時起惡造衆罪
本弘誓願令稱名
是以諸佛勸淨土
三信相應是一心
若不生者無是處

未有一人獲得者
則此聖道名自力
唯有淨土可通入
恒常如暴風駛雨
是為穢濁惡衆生
縱令一生造惡業
一心淳心名如實
必得往生安樂國

生死即是大涅槃
善導和尚義解曰
即是名為一乘海
即是圓教中圓教
真宗叵遇難得信
釋迦諸佛是真實
善巧方便令發起
具足煩惱凡夫人

則易行道名他力
念佛成佛是真宗
即是亦名菩提藏
即是頓教中頓教
難中之難無過此
慈悲父母以種種
我等无上真實信
由佛願力獲得信

斯人即非凡數攝

是人中分陔利華

斯信最勝希有人

斯信妙好上上人

到安樂土必自然

即證法性之常樂

入出二門偈頌 七十四行

寬永丙子仲冬新刊

明治廿四年十月十日 印刷

同 年十月十日翻刻出版


定價金廿五錢

京都市下京區花屋町西洞院善心山町番戶

發行兼印刷者

永田長左衛門

10



018305-000-4

16-93

浄土文類聚鈔・愚禿鈔・入出二門偈

永田 長左衛門

M24.11

ABF-1474

